

佛說阿閼佛國經

下

八十六
服八

47643




元祿九年丙子二月日重脩

皇圖景固 帝徵綴昌

佛日增輝 懋輪常轉

山城州天安寺法金剛院置



阿闍佛國經卷下

服

後漢月支三藏支婁迦識譯

諸菩薩學成品第四

爾時賢者舍利弗心念言佛已說弟子所學成願佛當復說諸菩薩所學成所以者何皆當學成是諸菩薩所照光明時佛即知賢者舍利弗心所念即告舍利弗其阿闍如來無所著等正覺佛刹有若干百菩薩若干千菩薩若干億菩薩若干億百千菩薩大會如是佛語舍利弗諸菩薩摩訶薩於阿闍佛所下鬚髮皆承佛威神悉受法語諷誦持之如我於是所說法由為薄少耳阿闍佛所說法無

央數不可復計比我所說法百倍千倍萬倍
億萬倍不在計中舍利弗是爲阿闍如來眷
行菩薩道時所願我成無上正真道最正覺
時令我佛刹諸菩薩我說法時令諸菩薩皆
承佛威神悉受諷誦持之佛復語舍利弗介
時諸菩薩摩訶薩皆承佛威神受所說法諷
誦持是諸菩薩摩訶薩自生意念欲從其刹
至他方世界俱至諸如來所聽所說法爲諸
佛世尊作禮諷誦之復重問意解爲諸佛作
禮諷誦已重問意解已便復還至阿闍如來
所佛語舍利弗是陂陁劫中當有千佛甫始
四佛過菩薩摩訶薩欲見是諸佛者當願生

阿闍佛刹若有善男子善女人於是世界若
他方世界終亡往生阿闍佛刹者甫當生者
即當得任弟子緣一覺地所以者何其有因
緣見如來者及衆僧爲以斷弊魔羅網去得
近弟子緣一覺及佛地當得無上正直道最
正覺其人爲以成如來爲以見諸菩薩摩訶
薩之事菩薩生阿闍佛刹者其行皆任清淨
爲行諸法爲在諸法士爲以任於法爲佛道
不可動轉復當堅任阿惟越致佛語舍利弗
若善男子善女人於是世界若他方世界
終生其刹者等輩得入諸佛任其菩薩爲得
覺意入無恐懼覺意菩薩合會於智慧度無

極在所各同義見世尊知所住其佛刹諸菩
薩摩訶薩在家者止高樓上出家爲道者不
在舍止佛告舍利弗阿闍佛說法時諸菩薩
摩訶薩承佛威神皆受法語諷誦持之其不
出家菩薩摩訶薩不面見佛所說時在所坐
處承佛威神皆亦聞法語聞已即受諷誦持
之其出家菩薩摩訶薩身自面見佛說法時
及所行至坐處亦承佛威神皆聞聞已即受
諷誦持是菩薩摩訶薩終亡已後俱持法語
所至生諸佛刹續念之舍利弗是爲阿闍佛
之善使所以者何如答所願自然得之佛語
舍利弗若有一世菩薩摩訶薩欲見若干百

佛若干千佛若干万佛若干億那術百千佛者
當願生阿闍佛刹菩薩已生阿闍佛刹者便
見若干百佛若干千佛若干億万佛若干億
那術百千佛當於其刹種諸德本當爲無央
數百千人無央數百千億人無央數億那術
百千人說法亦當令種德本佛言舍利弗若
菩薩摩訶薩於是陂陁劫中皆供養諸所佛
天中天衣被飯食牀卧具病瘦醫藥供養以
便出家學道悉於是諸佛天中天下鬚髮爲
沙門若復有菩薩摩訶薩不如於阿闍佛刹
一卅合會行度無極得福多佛言舍利弗是
福德善果行具足百倍千倍万倍巨億万倍

不與等舍利弗是為阿闍佛刹之善使佛語
舍利弗若一世菩薩於是世界他方世界終
亡生阿闍佛刹者甫當生者皆得阿惟越致
所以者何其佛刹無有弊魔事在前立慳魔
亦不燒人佛言舍利弗譬如人呪力語呪毒
呪虵除其毒便放捨其力不可勝救無央數
人恐畏其虵蛇亦不恐人亦不燒觸人如是
其人但以前世禪三昧行故自以功德得滅
於虵毒如是舍利弗阿闍佛皆求菩薩道時
行願德本如是乃得佛道消除於慳魔毒不
復燒人阿闍佛成無上正真道最正覺時慳
魔不能復來燒亦不能復燒諸菩薩摩訶薩

及凡人一切皆不復媿三千大千世界中人
如是先坐三昧寂定以自威神生和耶越致
天於彼以前世因緣行廣普亦於和耶越致
天以因緣三昧以自威神寂寞以是比於彼
說法炎天聞之聞已便得信歡喜來供養諸
弟子炎天言乃作是無所著知上足空閑處
作行其刹諸魔教人出家學道不復媿人舍
利弗是阿閼佛刹德之善使夜初鼓時先哀
念人民欲令度脫諸菩薩及學弟子并凡人
安隱寂寞行賢者舍利弗白佛言唯天中天
若善男子善女人以七寶滿三千大千世界
持用布施得生阿閼佛刹者其人不當惜也

便當布施所以者何其人不再墮弟子緣一
覺道所以者何其人即為立不退轉地從一
佛刹復至一佛刹目常悉見諸佛皆悉諷誦
佛道行當成無上正真道最正覺常常當見若
千百佛若干千佛若干億那術百千佛於彼
積德本舍利弗白佛言天中天以是故善男
子善女人以七寶滿三千大千世界布施得
生阿闍佛刹者其人當歡喜與便安隱至其
佛刹佛言如是舍利弗菩薩摩訶薩為安隱
得生阿闍佛刹譬如出金地無有礫石亦無
草木中有紫磨金人便取其金於火中試消
合以作諸物著之如是舍利弗阿闍佛刹諸

菩薩摩訶薩清淨微妙住清淨共會是諸菩
薩摩訶薩行也其有生阿闍佛刹者甫當生
者皆一種類道行悉等諸菩薩當成如來其
人以過諸弟子緣一覺地是謂為一類道無
有衆邪異道菩薩欲得一類者當願生阿闍
佛刹舍利弗是菩薩摩訶薩為成阿惟越致
阿闍佛為受決以我不欲遣菩薩摩訶薩至
阿闍佛所辭如舍利弗轉輪王遣使者至諸
小王所使持王寶物來於是聞王遣使者令
諸小王來便愁憂涕泣用王寶物故夫人姝
女及太子聞以寶物故皆畏王便往至大王
所居城垣堅止頓其中得安隱不復恐見怨

家穀貴苦如是舍利弗我不欲遣諸菩薩至
阿闍佛所辟如彼王以寶物故令諸夫人姝
女及太子同等愁憂視求菩薩道人當如大
王城所有寶處太子為無有恐難觀阿闍佛
刹當如大王慙魔見求菩薩道者如是不復
燒亂辟如王邊臣難當如是舍利弗魔及魔
天官屬不能當如來無所著等正覺辟如孤寡
恐懼之人畏對家便往至城中即安對家人
無那之何所以者何是人已離於對人得安
隱處故如是舍利弗諸菩薩摩訶薩生阿闍
佛刹者為以斷魔及魔天之道其三千大千
世界慙魔及魔天不復燒求菩薩道及弟子

道人及阿闍佛刹魔及魔天不復起魔事亦
不復媯復次舍利弗若有菩薩往生阿闍佛
刹者甫當生者其人不復爲魔天之所媯也
所以者何阿闍佛昔行菩薩道便作是願德
本令我成無上正真道最正覺使我佛刹諸
魔及魔天無有起魔事媯亂者譬如人飲毒
復飲餘毒藥其飲食使消其毒不行以等願
故如是舍利弗阿闍佛昔時作是願德本乃
至其佛刹諸魔及魔天子不復起魔事媯亂
其佛刹所有德等乃如是尔時賢者舍利弗
心念言願欲見其佛刹及阿闍佛并諸弟子
等於是佛即知舍利弗心所念即令如其像

三昧正受神足行承佛所致賢者舍利弗於
其座中見阿闍佛刹及弟子等尔時佛告舍
利弗言汝寧見阿闍佛及諸弟子并佛刹不
對曰唯然見之天中天云何舍利弗汝意所
知寧復有勝阿闍佛刹諸天及人不舍利弗
白佛言天中天我不復知有城郭能勝者也
其刹諸天及人民無有邪道但有正道耳極
相娛樂所以者何我見其佛刹皆以天物快
飲食相娛樂阿闍佛在中央遍為諸弟子說
法譬如天中天人在大海中央不見東方山
樹木之際亦不見南西北方樹木之際如是
天中天阿闍佛刹諸弟子不可得東方崖亦

復不可得南西北方之崖如是思惟聞法身
亦不動搖天中天於是思惟定身便不動搖
阿闍佛刹諸弟子聽法身不動搖坐定如是
聽法身亦不動搖若善男子善女人於是三
千大千世界滿七寶施與布施已得生阿闍
佛刹者當歡喜與其人便得安隱生阿闍佛
刹菩薩摩訶薩所以者何其人如是得爲阿
惟越致辟如天中天有人持王書及糧食以
王印封書往至他國其人行至他國縣邑中
道無有殺者亦無有能燒者獨自往還無他
佛言如是也舍利弗菩薩摩訶薩生阿闍佛
刹甫當生者於是世界若他方世界終亡生

阿闍佛刹者皆得阿惟越致便見無上正真
道從一佛刹復遊一佛刹皆諷誦佛道事常
樂於佛天中天至成無上正真道最正覺舍
利弗白佛言天中天是間須陁洹道菩薩摩
訶薩生阿闍佛刹者是適等耳所以者何須
陁洹以斷截惡道住於道迹如是天中天若
有菩薩摩訶薩生阿闍佛刹者甫當生者是
人皆現斷惡道不復在弟子緣一覺地從一
佛刹復遊一佛刹當樂於佛天中天及弟子
至成無上正真道最正覺也佛言如是舍利
弗若有菩薩摩訶薩於是世界若他方世界
終亡生阿闍佛刹者為以現過弟子緣一覺

地從一佛刹復遊一佛刹皆諷誦諸佛道事
皆面見諸如來至成無上正真之道最正覺
辟如舍利弗須陀洹度脫異道惡法得道無
有異如是舍利弗若有菩薩摩訶薩於是世
界若他方世界終亡生阿闍佛刹者甫當生
者其皆不復離無上正真道從一佛刹復遊
一佛刹皆諷誦諸佛道事常樂於佛天中天
無上正真道至成無上正真道最正覺賢者
舍利弗白佛言天中天是間斯陀含住往來
地菩薩摩訶薩生阿闍佛刹者是適等耳天
中天是間阿那含住不復還地菩薩摩訶薩
生阿闍佛刹者是適等耳天中天是間阿羅

漢任無所著地菩薩摩訶薩生阿闍佛刹者
是適等耳佛告賢者舍利弗言莫得說是語
所以者何是間菩薩摩訶薩受無上正真道
決菩薩生阿闍佛刹者是適等耳復次舍利
弗是間菩薩摩訶薩坐於佛樹下菩薩生阿
闍佛刹者是適等耳所以者何舍利弗菩薩
摩訶薩為現如來弊魔不復能動搖過弟子
緣一覺地從一佛刹復遊一佛刹常皆隨諸
佛之教至成無上正真道最正覺尔時阿難
心念言我欲試須菩提知報我何等言賢者
阿難問賢者須菩提言唯須菩提為見阿闍
佛及諸弟子等并其佛刹不須菩提謂阿難

言汝上向視阿難荅言仁者須菩提我已上
向視上皆是虛空須菩提謂阿難言如仁者
上向見空觀阿闍佛及諸弟子等并其佛刹
當如是尔時賢者舍利弗問言如屬天中天
所說是間菩薩摩訶薩受決菩薩生阿闍佛
刹者是適等耳天中天以何故等而等佛告
舍利弗言用法等故而等

阿闍佛般泥洹品第五

尔時賢者舍利弗心念言佛已說阿闍佛昔
者行菩薩道時德号復說佛刹之善快亦復
說諸弟子及諸菩薩所學成願佛當復說阿
闍佛摩訶般泥洹時有何感應天中天於是

佛即知舍利弗心所念便告舍利弗言阿闍
佛摩訶般泥洹是日一切三千大千世界諸
郡國變化作化人而說法所可說者如前所
說法時人民復行阿羅漢道不復上下便令
住阿羅漢道阿闍佛般泥洹時有菩薩摩訶
薩名衆香手當授是衆香手菩薩波号曰羞
洹那洹波頭摩漢言名金色蓮華如來無所
著等正覺復次舍利弗其金色蓮華佛之刹
所有善快亦當如阿闍佛刹之善快所有安
諦金色蓮華佛所有衆弟子亦當如阿闍佛
復次舍利弗阿闍佛摩訶般泥洹時當大動
搖皆悉遍三千大千世界聲上聞阿漸貨羅

天乃至復聞阿迦泥吒天阿闍佛般泥洹時
當有是瑞應復次舍利弗阿闍佛刹諸好藥
樹木皆曲向阿闍佛般泥洹所作禮阿闍佛
摩訶般泥洹時諸天及人民持華香雜香擣
香供養散其身上供養已其諸天人民華香
雜香擣香及餘寶上至虛空四十里成圓華
蓋阿闍佛摩訶般泥洹時其三千大千世界
諸天龍鬼神捷陀羅阿須輪迦留羅真陀羅
摩休勒皆向阿闍佛摩訶般泥洹時是人民
及諸天以佛威神所致悉見阿闍佛摩訶般
泥洹時復次舍利弗阿闍佛摩訶般泥洹時
諸天及人民晝夜常愁憂言阿闍佛般泥洹

大疾爲已亡人民娛樂不復得樂所故意愁
憂言阿闍佛般泥洹大疾亡失人民安隱意
愁憂言亡天下眼佛語舍利弗若有菩薩摩
訶薩於是世界若他方世界終亡生阿闍佛
刹者甫當生者其人皆爲以受決從一方復
至一方共等輩遊行若干百千等輩共遊
行菩薩摩訶薩當見若干百千如來當見無
數佛當見無數薩芸若若有菩薩摩訶薩於
是世界若他方世界終亡生阿闍佛刹者甫
當生者其人亦與衆等俱遊行以佛威神所
致薩芸若故爲阿惟越致菩薩摩訶薩聞是
阿闍佛德号法經皆爲離摩羅網復次舍利

弗阿闍佛摩訶般泥洹時至法行在者諸菩薩摩訶薩生阿闍佛刹者亦當與等輩遊行求索阿闍佛昔時願然後當生阿闍佛刹菩薩摩訶薩便當諷誦八百門諷誦已皆當諷誦諸法便有上微妙阿闍佛刹諸菩薩摩訶薩得念行住八百門我當生阿闍佛刹亦當諷誦八百門諷誦已皆當復諷誦諸法見上妙句如是諦受之菩薩摩訶薩阿闍佛現在及般泥洹時說法等無異佛刹等如來所示現從阿惟越致至成無上正具道最正覺復次舍利弗阿闍佛身中自出火還燒身已便作金色即碎若芥子不復還服訖已便自然去譬如舍利弗有樹名坻弥羅若髮段斷已不復見自然生如

是舍利弗阿闍佛摩訶般泥洹時身破碎不復見
還自然生復次舍利弗阿闍佛摩訶般泥洹時其
身骨坐處見自然譬言如有山碎破其山不復見自
然還其處如是舍利弗阿闍佛摩訶般泥洹時其
骨自破碎其身骨不復見還自然時一切三千大千
世界人民皆供養其身以七寶作磬其三千大千
世界當以七寶壑及葉金色蓮華而莊嚴復次舍
利弗阿闍佛刹諸菩薩摩訶薩當作禮有瑞應乃
如是自然諸寶於其處在前住其有菩薩摩訶薩
往生阿闍佛刹者甫當生者當見佛意無亂命過
時一切諸天人當供養其身諸天及人民願發起
是供養其身菩薩摩訶薩自以功德稍於虛空疾

行都不復知其處譬如舍利弗持草木著火中
熏烟而行其烟上於虛空中亦於虛空中而行
亦於虛空中都滅不知所至處其佛刹諸菩
薩摩訶薩法身如是復次舍利弗阿闍佛刹
菩薩摩訶薩壽命盡臨壽終時見餘菩薩摩
訶薩他方世界坐佛樹下時是諸菩薩摩訶
薩臨壽終時瑞應復見餘菩薩入母腹中時
亦復見餘菩薩摩訶薩從母右脅出生時行
七步時見在婁女中相娛樂時見餘菩薩摩
訶薩出家學道時見餘菩薩坐佛樹下降伏
魔得薩芸若慧時見他方世界諸佛天中天
轉法輪時佛言舍利弗阿闍佛刹菩薩臨壽

終時以是比有自然瑞應復次舍利弗阿闍
佛摩訶般泥洹時佛所說法當住至若干百
千劫賢者舍利弗問佛言天中天以何等數
佛所說法住至百千劫佛告舍利弗言二十
小劫爲一切是爲數佛所說法至百千劫復
次舍利弗其法滅盡時一切三千大千世界
當大照明其地當大動其法不是弊魔及魔
天之所滅亦不是天中天弟子所滅諸比丘
稍樂寂往還是稍寂共往還已俱行不復大
聽聞法不聽聞已亦不大承用復不得大精
進法師比丘於法教亦寂說法少以是故法
稍滅盡稍稍不見尔時賢者舍利弗問佛言

云何天中天菩薩摩訶薩用何等德行故得
生阿闍佛刹佛告舍利弗是菩薩摩訶薩當
學阿闍佛皆求菩薩道時行當發如是意願
令我生阿闍佛刹菩薩摩訶薩用是行故得
生彼佛刹復次舍利弗菩薩行布施度無極
積累德本持願無上正真道得在阿闍佛邊
菩薩摩訶薩用是行故得生彼佛刹菩薩行
戒度無極持願無上正真道得在阿闍佛邊
菩薩摩訶薩用是行故得生彼佛刹菩薩行
忍辱度無極持願無上正真道得在阿闍佛
邊菩薩摩訶薩用是行故得生彼佛刹菩薩
行精進度無極持願無上正真道得在阿闍

佛邊菩薩摩訶薩用是行故得生阿闍佛刹
菩薩行一心度無極持願無上正真道得在
阿闍佛邊菩薩摩訶薩用是行故得生彼佛
刹菩薩行智慧度無極持願無上正真道得
在阿闍佛邊菩薩摩訶薩用是故得生彼佛
刹復次舍利弗阿闍佛光明皆炎照三千大
千世界我當願見是已令我成無上正真道
最正覺當復自炎照其佛刹菩薩摩訶薩用
是行故得生阿闍佛刹我當見阿闍佛刹無
央數不可計諸弟子見已我亦當作如是行
令我成無上正真道最正覺時使有無央數
諸弟子菩薩摩訶薩用是行故得生阿闍佛

刹阿闍佛刹有若干百菩薩若干千菩薩若
千百千菩薩我當見是諸尊菩薩寂寞觀行
我當學之當於處處曉了知之我當與同學
等無差特當與是一等類俱在一處欲具大
慈大悲用佛故沙門義故無辟支佛義無有
弟子之行無有弟子意無有緣一覺意諦作
於虛無有惡道法於諸佛名等諸如來名等
薩共若名等於諸法名等於衆僧名等常念
諸名等如諸菩薩摩訶薩若有善男子善女
人聞名得生阿闍佛刹何況合會諸度無極
善本持願阿闍佛刹合會衆善本已便成無
上正真道最正覺何況合會諸度無極衆善

本便得生阿闍佛刹菩薩摩訶薩用是行故
得生阿闍佛刹復次舍利弗菩薩摩訶薩欲
生阿闍佛刹者當念東方不可計諸佛天中
天善法品等因緣諸佛天中天所可說法念
其無有等者令我成無上正真道最正覺當
復說法如是如諸佛天中天念其衆弟子因
緣等我何時成無上正真道最正覺亦當有
無央數不可計諸弟子衆舍利弗若有善男
子善女人當念三事當曉了念是三大事若
善男子善女人以念是三大事合會德本為
一切衆生作迹念持願作無上正真道用一
切衆生故願三事善男子善女人菩薩摩訶

薩願無上正真道不可限一切衆生若有人
來以器欲限取虛空來已謂言善男子持善
本與我共分之佛言舍利弗若使善本有色
者一切衆生便可以器滿限取虛空不可竟
是善本以器取如是舍利弗願善本於無上
正真道是亦不可以器取如是謂為薩芸若
善本若有念三事善本便轉得三寶若有善
薩摩訶薩念是三事善本願皆見善法菩薩
行三事善本願降伏衆魔及官屬所向欲念
生何佛刹即得生其佛刹南方西方北方上
方下方亦如是四維亦如是若有菩薩摩訶
薩念是三事善本積累以持作勸助勸助已

持願向阿闍佛刹其人即得生其佛刹佛告
舍利弗若干百佛刹若干千佛刹若干百千
佛刹如是佛刹之善快諸佛刹之善快空耳
阿闍佛刹亦如是我當見其佛刹之善快見
是以我亦當取如是比佛刹之善快當勸助
若干百菩薩若干千菩薩若干百千菩薩為
現故今歡喜踊躍上及阿闍世尊等菩薩摩
訶薩用是行故得生阿闍佛刹若有菩薩摩
訶薩專發是意向阿闍佛若使不行者如是
為欺專發是意便得生阿闍佛刹譬如有城
中無市無有園浴池及万物亦無有象馬亦
無有往來中者去何舍利弗其城寧有疆王

在其中止不是城德爲最下如是爲快不疆
王在大城其城有善德万物如是城爲最上
也如是舍利弗於是我三千大千出界佛刹
力之善快如我佛刹爲下耳是不爲上好也
是間我佛刹所有之善快如是舍利弗若菩
薩欲淨其佛刹之善快者欲取者當如是清
淨取之如阿闍佛答行菩薩道時所取清淨
佛刹之善快復次舍利弗於是成無上正真
道最正覺令人民在須陀洹道斯陀含阿那
含阿羅漢道復教令在辟支佛道我所授諸
弟子及餘弟子皆共合會當令在阿闍佛刹
諸弟子衆邊百倍千倍万倍億百千倍巨億

万倍不與等但說解脫者無有異我諸弟子
及彌勒佛所有諸弟子及復餘弟子皆復共
合會當今在阿闍佛刹諸弟子衆邊是亦百
倍千倍万倍億万倍不與等所以者何阿闍
佛一一說法時人民得道者不可復計佛言
舍利弗置我諸弟子復置彌勒佛諸弟子於
陂陁劫中諸佛天中天所有諸弟子及餘得
道弟子復共合會當今在阿闍佛刹諸弟子
衆邊百倍千倍万倍億万倍巨億万倍不與
等但說解脫者無異人今時賢者舍利弗白
佛言如天中天所說如我所知當觀其佛刹
爲阿羅漢刹不爲凡夫之刹也所以者何彼

阿羅漢甚衆多佛言如是舍利弗彼刹阿羅
漢生死已盡者甚衆多三千大千世界所有
星宿不可計亦不可知多少阿闍佛一一說
法時得阿羅漢者不可計如是舍利弗一一
聚會時不可計無央數人得阿羅漢道三千
大千世界中星宿可知數阿闍佛刹是諸天
人民以天眼見光鬪用積累德本阿闍佛刹
三千大千世界是諸人民善男子善女人晝
夜往至阿闍佛所若有聞是德号法經聞已
即受持諷誦者舍利弗是善男子善女人前
世爲皆已聞見阿闍佛皆求菩薩道時所以
者何若有聞是德号法經即有信者是阿闍

佛德号法經十方等世界佛刹求菩薩道及
求弟子道之人悉受諷誦持說之他方佛刹
諸阿惟越致菩薩摩訶薩住及餘菩薩亦說
阿闍佛所結願及生阿闍佛刹者甫當生者
東方亦如是南方西方北方上方下方等十
方亦如是一切諸佛刹求菩薩道人皆受是
德號法經諷誦持說之阿惟越致菩薩摩訶
薩住復有成無上正真道最正覺及餘菩薩
亦如是說阿闍佛所結願及生其佛刹者甫
當生者如是舍利弗阿闍佛阿比羅提世界
任炎照十方等諸求菩薩道之人若有善男
子善女人諷誦阿闍佛德號法經聞已即持諷

誦願生阿闍佛刹者臨壽終時阿闍佛即念
其人所以者何儻弊魔得其便即轉所願如
來故念之其善男子善女人不復轉會當得
所願及無上正真道若有他異因緣無能燒
害者如是火刀毒水是亦不行若復有搥捶
者是亦不向亦不畏人非人其人如是等見
護便生阿闍佛刹佛言辭如舍利弗日宮殿
遠住遙炎照天下人如是阿闍佛遠住炎照
他方世界諸住菩薩摩訶薩辭如得天眼比
丘遠住遙見見色之光如是舍利弗阿闍佛遠
住遙見他方世界諸住菩薩摩訶薩見其顏
色形類辭如神通比丘遠住知他人意所念如

是舍利弗阿闍佛遠任遙知他方世界諸任
菩薩摩訶薩意辟如神通比丘遠任遙以天
耳聞聲如是舍利弗阿闍佛遠任遙聞他方世
界諸菩薩摩訶薩語及生其刹者是善男子
善女人阿闍佛知其名字及種姓若有受是
德号法經諷誦持者舍利弗是人為見阿闍
佛當知是人臨壽終時阿闍佛即為其人賢
者舍利弗白佛言難及天中天諸佛世尊諦
囑累諸菩薩摩訶薩佛言如是舍利弗諸佛
天中天諦囑累諸菩薩摩訶薩所以者何善
薩諦受囑累者便為諦受一切衆生已辟如
轉輪王若有第一第二第三第四第五第十

第二十不可計諸倉中有稻米大麥小麦及
種種穀穀貴時便出令穀賤如是舍利弗菩
薩如來說竟菩薩摩訶薩未成最正覺時譬
如穀貴已成無上正真道最正覺便安隱說
法如穀賤是故諸佛天中天諦囑累諸菩薩
摩訶薩佛言舍利弗若有菩薩摩訶薩聞是
阿闍佛德號法經聞已即受諷誦持雖不願
生阿闍佛刹者當知是菩薩摩訶薩為比阿
惟越致若有菩薩摩訶薩受是阿闍佛德号
法經持已受諷誦為若干百人若干億百千
那術人解說之當令若干億那術百千人積
累德本是人如所積德本其菩薩是德本不

可計是菩薩摩訶薩德本衆多已便坐無上
正真道佛言舍利弗若有菩薩摩訶薩欲疾
成無上正真道最正覺者當受是德號法經
當持諷誦受持諷誦已爲若干百若干若
千百千人解說之便念如所說事即得大
智慧其罪即畢以得是大智慧其罪畢已其
人自以功德便盡生死之道佛告舍利弗若
有善男子善女人求弟子道者聞是阿闍佛
德号法經便當受持當諷誦受持諷誦已爲
若干百人若干千人若干百人解之若有
善男子善女人受是法經自以功德即自取
阿羅漢諸證佛言舍利弗若有善男子善女

人專持說是德號法經是人如是便捨等正覺
自以功德取阿羅漢證佛語舍利弗是阿闍佛
德號法經終不至癡人手中當至黠人手中佛
言舍利弗是善男子善女人是德號法經至其
手中者為見如來已譬如舍利弗種種諸寶其
價甚重從大海採來者云何舍利弗從大海採
種種寶當先至誰手中舍利弗言天中天當
先至國王若太子左右手中佛言如是舍利
弗是阿闍德號法經當至菩薩手中及阿惟
越致復次舍利弗菩薩摩訶薩聞是阿闍德
號法經便受持諷誦誦已即當專成無上
正真道最正覺賢者舍利弗白佛言是阿闍

佛德號法經薄德之人終不得聞受持諷誦
所以者何天中天不能得阿惟越致故佛告
賢者舍利弗審如是若有善男子善女人持
金銀滿是天下以布施願言我持是使聞阿
闍佛德號法經薄德之人終不得聞是經亦
不得受持諷誦菩薩摩訶薩聞阿闍佛德號
法經者為成阿惟越致行聞已受持諷誦是
故專得無上正真道行佛語舍利弗二生補
處三生補處等正覺求弟子道人所不能及
若有聞阿闍佛德號法經受持諷誦為若干
百人若干千人若干百千人說之譬如舍利
弗轉輪王以福德自然生七寶如是舍利弗阿

闍佛管願所致我爲說是德號法經若有菩
薩摩訶薩說是德號法經若復有菩薩摩訶
薩聞是經甫當聞者亦福德所致佛語舍利
弗阿闍佛德號法經於是陂陀劫中所有諸
佛天中天皆當說是經如是今無缺減安諦
亦如我所說若有菩薩摩訶薩欲疾成無上
正真道最上覺者當受是阿闍佛德號法經
持諷誦說之當令廣普若是德號法經在郡
國縣邑有善男子善女人受持諷誦其菩薩
摩訶薩有是經爲護郡國縣邑其有受是德
號法經當持諷誦復出家學道離罪菩薩摩
訶薩當令居家學道者知之所以者何善男

子善女人儻不能究竟是德號法經佛語舍
利弗若遠郡國縣邑有行是經菩薩摩訶薩
往至彼當受是經諷誦持說善男子善女人
雖不諷誦但有是經卷當說供養之若不得
經卷者便當寫之若使其人不與是經卷持
歸寫者菩薩便就其家寫之若使善男子善
女人言自餓寫當自餓寫之若言經行寫當
經行寫之若言住寫當住寫之若言坐寫當
坐寫之

佛說阿闍佛經卷下

服

慳摩

正作弊魔

城垣

下園

九二

崖

音宜際也

這

適字迄

許詭反 號音芥子 土芥 堦 上音 壑 塔字 何
 出也 迹字与 疆 搗捶 上委反 竹瓜反 擊也 稻
 米 禾上音道也 其賈作價 採來作菜
 禾 上音道也 其賈作價 採來作菜



猪飼順良寄附

